




SERVISIO METEOROLÓGIKO ANTIANAN HULANDES I ARUBA

Seru Mahuma z/n, Kòrsou, Antianan Hulandes
Tel: +599 9 839.3366 Fax: +599 9 868.3999

KOMUNIKADO PA PRENSA

SEKURA ANTISIPÁ DEN PRÓKSIMO LUNANAN

Despues di un komienso bastante muhá di e aña aki (259% riba normal na Aeropuerto Hato na Kòrsou), for di prinsipio di mei (68% bou di normal na Hato) áwaseru a práktikamente stòp di kai riba Islanan ABC (yüni ku 0.3 mm, 85% bou di normal). Especialmente febrüari tabata un luna bastante muhá riba nos islanan, kaminda na vários sitio a kai mas ku 100 mm di áwaseru (501% riba normal na Hato). Mart tambe tabata un luna bastante muhá ainda riba vários parti di e islanan aki pero na aprel sí áwaseru a kai hopi ménos. E promé tres dianan di mei tabata bastante muhá i e luna ei a parse di bai bira unu muhá atrobe. Despues di 4 di mei sin embargo, a kuminsá un periodo di hopi sekura ku a persistí te na fin di yüni. Riba 26 di yüni a opservá na algun parti di nos islanan pa promé biaha for di kuminsamentu di mei, un kantidat di áwaseru ku por a wòrdu midí pero mayoria parti di Islanan ABC a keda seku riba e dia ei tambe.



Grafik ku ta indiká e diferenshanan den kantidat di áwaseru na Aeropuerto Hato na Kòrsou entre di 2009 (blou) i e promedio entre di 1971 i 2000 (lila)

bientu mas fuerte aki tin komo resultado ku temperatura di laman, dor ku awa friu ta bini ariba, lo keda abou den parti sùit di Laman Karibe durante di próksimo lunanan.

Un otro fenómeno ku tin konsekuensha negativo pa especialmente e kantidat di áwaseru riba Islanan ABC, ta e regreso antisipá di e famoso "El Niño", mas lat e aña aki. Esaki ta un fenómeno klimatológiko kaminda ku temperatura di laman riba parti tropikal di Osean Pasífiko ta mas haltu ku kustumber. E fenómeno aki ta influenshá tantu e kantidat di áwaseru den gran parti di Karibe i parti nort di Sur América komo tambe e kantidat di siklon tropikal ku ta forma òf pasa einan. Pa loke ta trata áwaseru, durante di situashonnan di "El Niño" ta kai ménos awa ku kustumber riba especialmente parti sùit di Área di Karibe. Tambe e kantidat di siklon tropikal bou di influensha di "El Niño" lo ta mas chikitu ku normalmente t'e kaso riba tantu Área di Karibe komo riba parti tropikal di Atlántiko Nort (entre di Afrika i Karibe).

E echo ku ta antisipá ménos áwaseru sin embargo no ke men ku na dado momentu tòg por kai algun yobida fuerte. Mesun kos tambe den temporadanan di orkan ku ta trankil, un solo orkan fuerte por hasi hopi daño (Andrew na 1992 na Florida). P'e motibu ei, Servisio Meteorológiko den próksimo lunanan lo sigui tur desaroyo den wer ku hopi atenshon.